



UNIVERSITÄTS-
BIBLIOTHEK
PADERBORN

Praxis Meditationum S.P. Ignatii Loyolae

Diertins, Joseph

Solisbaci, 1708

Med. 15. De Pastoribus. Myst. punctum 1.

[urn:nbn:de:hbz:466:1-60232](#)

contra Reg. Summ. 35. quæ vult, ut cum magna celeritate spirituali gaudio, & perseverantia, quidquid nobis injunctum fuerit, obeamus. Statuamus meliora in posterum.

COLLOQ. Ad Christum in præsepio positum, eum adorando, laudando, venerando, amando, & postulando gratiam pacis, & bonæ voluntatis, ut sine morâ, cum gaudio possimus ipsi servire, & vestigia ejus sequi.

MEDITATIO XV.

De Pastoribus. Luc. 2.

Myst. punct. 1.

CONG. De more.

PRÆL. I. Pastoribus revelatur Christi Nativitas per Angelum.

PRÆL. II. Imaginari sibi agrum, vel locum, ubi Pastores erant, cum suo grege.

PRÆL. III. Postulare, ut Nato Christo, in nobis nascatur amor erga ipsum, & studium imitandi.

PUNCTUM I. PERSONÆ. MEM. *Et Pastores erant in regione eadem vigilantes, & custodientes vigilias noctis super gregem suum, & ecce Angelus Domini stetit juxta illos. Luc. 2.*

INTEL. Consideremus Pastores, vigilantes, ne lupus veniat, & devoret: Sic. i. Petr. 5. monemur: *Vigilate quia Adversarius vester diabolus tamquam*

quam leo rugiens , circuit , querens , quem devoret. Si vigilemus autem, etiam Angelus Domini stabit juxta nos.

REFL. Videamus an non simus ex illis, de quibus dicitur: Nahum. 3. *Dormitaverunt Pastores tui.* & Matth. 25. *Dormitaverunt omnes & dormierunt.* Ideo Angeli præsentiam non sentimus.

VOL. Confugiamus ad Christum recens natum, ut, cùm versemur inter Angelum malum, instar leonis, & lupi vorantem, & Angelum bonum nos custodientem, per gratiam suam excitet nos à torpore, & det donum vigilandi. ut ne à malo Angelo decipiamur ; Sed per Regulas *discretionis spirituum*, fraudes ejus detegere possimus. Christo nato hora est, jam nos de somno surgere: nunc enim propiore est nostra salus. Rom. 13.

PUNCTUM II. VERBA. MEM. *Dixit illis Angelus: Nolite timere: ecce enim evangelizo vobis gaudium magnum. quod erit omni populo, quia natus est vobis hodie Salvator.* Luc. 2.

INTEL. Quia Pastores ad aspectum Angeli, timuerunt timore magno. Luc. 2. *Dixit illis Angelus: nolite timere &c.* Nam juxta Reg. 1. hebd. 2. de discern. spiritib proprium est Dei, & Angeli cuiusq; boni veram infundere Spiritualem lætitiam animæ, quam movent sublatâ tristitia, & perturbatione omni. REFL. recenseamus errores nostros, qui sæpe frustrâ lætitiam, & pacem, quam mundus dare non potest, quæsivimus à rebus vanis.

VOL. Studeamus bene Regulis de discern. spiritibus,

G S

tibus,

tibus, & fiduciam nostram collocemus in Deo, &
Angelo bono. *Qui habitat in adjutorio altissimi
protectione Dei Cœli commorabitur ... neque
mebit à timore nocturno ... ab incursu, & de
monio meridiano.* Ps. 90.

PUNCTUM III. OPERA. MEM. *Hoc vobis signum
invenietis Infantem pannis involutum, & pos-
tum in præsepio.* Luc. 2.

INTEL. Contemplemur insignia nostri Regis re-
cens nati: perpendamus, quantum hæc distent
sapientiâ mundi; Sed hæc stultitia est apud Deum.
2. Cor, 3. REFL. Respiciamus, an fuerimus sa-
mentis, dum mundum secuti sumus.

VOL. Juxta Reg. 11. Summ. exoptemus affini-
lari, ac imitari aliquo modo Creatorem ac Domi-
num nostrum Jesum Christum, ejusque vestibus, &
in signibus indui.

COLLOQ. Ad Christum recens natum, petendo
gratiam, ut perspectâ, & damnatâ mundi pravi-
tate, à rebus mundanis, ac vanis nos recipiamus,
ad insignia Christi in præsepio positi.

RECOLLECT. O. REPETITIO. APPLICATIO SENSUUM.

MEDITATIO XVI.

De Pastoribus. Luc. 2.

Myst. punct. 2.

COng. sit eadem.

PRÆL. I. Pastores transeunt in Bethleem, &
inveniunt infantem.

PRÆL.